

程傳

節

豐

中孚

旅

小過

巽

既濟


兌

未濟

渙


周易

十



周易卷之六

程子傳



離下
震上

豐序卦得其所歸者必大故受之以豐物所歸聚必成
其大故歸妹之後受之以豐也豐盛大之義爲卦震上
離下震動也離明也以明而動動而能明皆致豐之道
明足以照動足以亨然後能致豐大也
豐亨王假之勿憂空日中

豐爲盛大其義自亨極天下之光天者唯王者能至之
假至也天位之尊四海之富羣生之衆王道之大極豐
之道其唯王者乎豐之時人民之繁庶事物之殷盛治

之豈易周爲可憂慮空如日中之盛明廣照无所不及

然後无憂也

彖曰豐大也明以動故豐

豐者盛大之義離明而震動明動相資而成豐大也

王假之尚大也

王者有四海之廣兆民之衆極天下之大也故豐大之道唯王者能致之所有既大其保之治之之道亦當大也故王者之所尚至大也

勿憂空日中空照天下也

所有既廣所治既衆當憂慮其不能周及空如日中之

盛明普照天下也无所不至則可勿憂矣如是然後能保其豐大保有豐大豈小才小知之所能也重二
日中則昃月盈則食天地盈虛與時消息而況於人乎亦況於鬼神乎亦

既言豐盛之至復言其難常以爲誠也日中盛極則當昃目亦昃月既盈滿則有虧缺天地之盈虛尚與時消息重況人與鬼神乎盈虛謂盛衰消息謂進退天地之運亦隨時進退也鬼神謂造化之迹於萬物盛衰可見其消息也於豐盛之時而爲此誠欲其守中不至過盛處豐之道豈易也哉重五

象曰雷電皆至豐君子以折獄致刑

美

雷電皆至明震並行也二體相合故云皆至明動相資
成豐之象離明也照察之象震動也威斷之象折獄者
必照其情實唯明克允致刑者以威於姦惡唯斷乃成
故君子觀雷電明動之象以折獄致刑也噬嗑言先王
飭法豐言君子折獄以明在上而麗於威震王者之事
故爲制刑立法以明在下而麗於威震君子之用故爲
折獄致刑旅明在上而云君子者旅取慎用刑與不畱
獄君子皆當然也

初九遇其配主雖旬无咎往有尚

果

雷電皆至成豐之象明動相資致豐之道非明无以照
非動无以行相須猶形影相資猶表裏初九明之初九
四動之初空相須以成其用故雖旬而相應位則相應
用則相資故初謂四爲配主已所配也配雖匹稱然就
之者如配天以配君子故初於四云配四於初云夷
也雖旬无咎旬均也天下之相應者常非均敵如陰之
應陽柔之從剛下之附上敵則安肯相從唯豐之初四
其用則相資其應則相成故雖均是陽剛相從而无過
咎也蓋非明則動无所之非動則明无所用相資而成
用同舟則胡越一心共難則仇怨協力事勢使然也往

而相從則能成其豐故云有尚有可嘉尚也在他卦則不相下而離隙矣

象曰雖旬无咎過旬災也

聖人因時而處宜隨事而順理夫勢均則不相下者常理也然有雖敵而相資者則相求也初四是也所以雖旬而无咎也與人同而力均者在乎降己以相求協力以從事若懷先己之私有加上之意則患當至矣故曰過旬災也均而先己是過旬也一求勝則不能同矣

六二豐其蔀日中見斗往得疑疾有孚發若吉

明動相資乃能成豐二爲明之主又得中正可謂明者

也而五在正應之地陰柔不正非能動者二五雖皆陰
而在明動相資之時居相應之地五才不足既其應之
才不足資則獨明不能成豐既不能成豐則喪其明功
故爲豐其蔀日中見斗二至明之才以所應不足與而
不能成其豐喪其明功无明功則爲昏暗故云見斗斗
昏見者也蔀周匝之義用障蔽之物掩晦於明者也斗
屬陰而主運平象五以陰柔而當君位日中盛明之時
乃見斗猶豐大之時乃遇柔弱之主斗以昏見言見斗
則是明喪而暗矣二雖至明中正之才所遇乃柔暗不
正之君既不能下求於己若往求之則反得疑猜忌疾

暗主如是也然則如之何而可夫君子之事上也不得其心則盡其至誠以感發其志意而已苟誠意能動則雖昏蒙可開也雖柔弱可輔也雖不正可正也古人之事庸君常主而克行其道者己之誠意上達而君見信之篤耳管仲之相桓公孔明之輔後主是也若能以誠信發其志意則得行其道乃爲吉也

象曰有孚發若信以發志也

有孚發若謂以己之孚信感發上之心志也苟能發則其吉可知雖柔暗有可發之道也

九三豐其沛日中見沬折其右肱无咎

沛字古本有作旆字者王弼以爲幡幔則是旆也幡幔
圍蔽於內者豐其沛其暗憂甚於節也三明體而反暗
於四者所應陰暗故也三居明體之上陽剛得正本能
明者也豐之道必明動相資而成三應於上上陰柔又
无位而處震之終旣終則止矣不能動者也他卦至終
則極震至終則止矣三无上之應則不能成豐沫星之
微小无名數者見沫暗之甚也豐之時而遇上六日中
而見沫者也右肱人之所用乃折矣其无能爲可知賢
智之才遇明君則能有爲於天下上无可賴之主則不
能有爲如人之折其右肱也人之爲有所失則有所歸

答曰由是故致是若欲動而无右肱欲爲而上无所賴則不能而已金復何言金无所歸金答也金

象曰豐其沛不可大事也折其右肱終不可用也金

三應於上上應而无位陰柔无勢力而處既終其可共濟大事乎既无所賴如右肱之折終不可用矣金

九四豐其蔀日中見斗遇其夷主吉金

四雖陽剛爲動之主又得大臣之位然以不中正遇陰暗柔弱之主豈能致豐大也故爲豐其蔀蔀周圍掩蔽之物周圍則不大掩蔽則不明日中見斗當盛明之時反昏暗也夷主其等夷也相應故謂之主初四皆陽而

居初是其德同又居相應之地故爲夷主居大臣之位
而得在下之賢同德相輔其助豈少也哉故吉也如四
之才得在下之賢爲之助則能致豐大乎曰在下者上
有當位爲之與在上者下有賢才爲之助豈无益乎故
吉也然而致天下之豐有君而後能也五陰柔居尊而
震體无虛中巽順下賢之象下雖多賢亦將何爲蓋非
陽剛中正不能致天下之豐也

象曰豐其部位不當也

位不當謂以不中正居高位所以闇而不能致豐

日中見斗幽不明也

謂幽暗不能光明君陰柔而臣不中正故也

遇其夷主吉行也

陽剛相遇吉之行也下就於初故云行下求則爲吉也

六五來章有慶譽吉

五以陰柔之才爲豐之主固不能成其豐大若能來致

在下章美之才而用之則有福慶復得美譽所謂吉也

六二文明中正章美之才也爲五者誠能致之在位而

委任之可以致豐大之慶名譽之美故吉也章美之才

主二而言然初與三四皆陽剛之才五能用賢則彙征

矣二雖陰有文明中正之德大賢之在下者也五與二

雖非陰陽正應在明動相資之時有相爲用之義五若
能來章則有慶譽而吉也然六五无虛己下賢之義聖
人設此義以爲教耳

象曰六五之吉有慶也

其所謂吉者可以有慶福及于天下也人君雖柔暗若
能用賢才則可以爲天下之福唯患不能耳


上六豐其屋蔀其家闕其戶閭其无人三歲不覿凶

六以陰柔之質而居豐之極處動之終其滿假躁動甚
矣處豐大之時宜乎謙屈而處極高致豐大之功在乎
剛健而體陰柔當豐大之任在乎得時而不當位如上

六者處无亡一當其凶亡可知豐其屋處太高也亡節其家居亡不明也亡以陰柔居豐大而在无位之地亡乃高亢昏暗自絕於人人亡誰與之故闕其戶亡閔其无人也亡至於三歲之久而不知變其凶宜矣亡不覲謂尚不見人亡蓋不變也六居卦終有變之義而不能遷是其才不能也亡

象曰豐其屋天際翔也亡闕其戶閔其无亡人自藏也亡

六處豐大之極亡在上而自高若飛翔於天際謂其高大之甚闕其戶而无人者亡雖居豐大之極而實无位之地人以其昏暗自高大故皆棄絕之亡自藏避而弗與親也亡



艮下
離上

旅序卦豐大也窮大者必失其居故受之以旅豐盛至
於窮極則必失其所安旅所以次豐也爲卦離上艮下
山止而不遷火行而不居違去爲不處之象故爲旅也
又麗乎外亦旅之象

旅小亨旅貞吉

以卦才言也如卦之才可以小亨得旅之貞正而吉也
彖曰旅小亨柔得中乎外而順乎剛止而麗乎明是以小
亨旅貞吉也

六上居五柔得中乎外也麗乎上下之剛順乎剛也下
艮止上離麗止而麗於明也柔順而得在外之中所止

能麗於明是以小亨得旅之貞正而言也旅困之時非
陽剛中正有助於下不能致大亨也所謂得在外之中
中非一揆旅有旅之中也止麗於明則不失時宜然後
得處旅之道

旅之時義大矣哉

天下之事當隨時各適其宜而旅爲難處故稱其時義
之大

象曰山上有火旅君子以明慎用刑而不留獄

火之在高明无不照君子觀明照之象則以明慎用刑
明不可恃故戒於慎明而止亦慎象觀火行不處之象

則不畱獄獄者不得已而設民有罪而入豈可畱滯淹
久也

初六旅瑣瑣斯其所取災

六以陰柔在旅之時處於卑下是柔弱之人處旅困而
在卑賤所存汚下者也志卑之人既處旅困鄙猥瑣細
无所不至乃其所以致悔辱取災咎也瑣瑣猥細之狀
當旅困之時才質如是上雖有援无能為也四陽性而
離體亦非就下者也又在旅與他卦為大臣之位者異
矣

象曰旅瑣瑣志窮災也

志意窮迫益自取災也災眚對言則有分獨言則謂災患耳

六二旅即次懷其資得童僕貞

二有柔順中正之德有順則衆與之中正則處不失當故能保其所有童僕亦盡其忠信雖不若五有文明之德上下之助亦處旅之善者也次舍旅所安也財貨旅所資也童僕旅所賴也得就次舍懷畜其資財又得童僕之貞良旅之善也柔弱在下者童也強壯處外者僕也二柔順中正故得內外之心在旅所親比者童僕也不云吉者旅寓之際得免於災厲則已善矣

象曰得童僕貞終无尤也

羈旅之人所賴者童僕也既得童僕之忠貞終无悔矣

九三旅焚其次喪其童僕貞厲

處旅之道以柔順謙下爲先三剛而不中又居下體之上與艮之上有自高之象在旅而過剛自高致困災之道也自高則不順於上故上不與而焚其次失所安也上離爲焚象過剛則暴下故下離而喪其童僕之貞信謂失其心也如此則危厲之道也

象曰旅焚其次亦以傷矣以旅與下其義喪也

旅焚失其次舍亦以困傷矣以旅之時而與下之道如此義當喪也在旅而以過剛自高待下必喪其忠貞謂失其心也在旅而失其童僕之心爲可危也

九四旅于處得其資斧我心不快

四陽剛雖不居中而處柔在上體之下有用柔能下之象得旅之宜也以剛明之才爲五所與爲初所應在旅之善者也然四非正位故雖得其處止不若二之就次舍也有剛明之才爲上下所與乃旅而得貨財之資器用之利也雖在旅爲善然上无剛陽之與下唯陰柔之應故不能伸其才行其志其心不快也云我者據四而

言

象曰旅于處未得位也得其資芥心未快也

四以近君爲當位在旅五不取君義故四爲未得位也
曰然則以九居四不正爲有咎矣曰以剛居柔旅之宜
也九以剛明之才欲得時而行其志故雖得資芥於旅
爲善其心志未快也

六五射雉一矢亡終以譽命

六五有文明柔順之德處得中道而上下與之處旅之
至善者也人之處旅能合文明之道可謂善矣羈旅之
人動而或失則困辱隨之動而无失然後爲善離爲雉

文明之物射雉謂取則於文明之道而必合如射雉一
矢而亡之發无不中則終能致譽命也譽命聞也命福
祿也五居文明之位有文明之德故動必中文明之道
也五君位人君无旅旅則失位故不取君義
象曰終以譽命上逮也

有文明柔順之德則上下與之逮與也能順承於上而
上與之爲上所逮也在上而得乎下爲下所上逮也在
旅而上下與之所以致譽命也旅者困而未得所安之
時也終以譽命終當致譽命也已譽命則非旅也困而
親寡則爲旅不必在外也

上九鳥焚其巢旅人先笑後號咷喪牛于易凶

鳥飛騰處高者也上九剛不中而處最高又離體其亢
可知故取鳥象在旅之時謙降柔和乃可自保而過剛
自高失其所安矣巢鳥所安止焚其巢失其所安无
所止也在離上爲焚象陽剛自處於至高始快其意故
先笑既而失安莫與故號咷輕易以喪其順德所以凶
也牛順物喪牛于易謂忽易以失其順也離火性上爲
躁易之象上承鳥焚其巢故更加旅人字不云旅人則
是鳥笑哭也

象曰以旅在上其義焚也喪牛于易終莫之聞也

以旅在上而以尊高自處豈能保其居其義當有焚巢
之事方以極剛自高爲得志而笑不知喪其順德於躁
易是終莫之聞謂終不自聞知也使自覺知則不至於
極而號咷矣陽剛不中而處極固有高亢躁動之象而
火復炎上則又甚焉

巽上
巽下

巽序卦旅而无所容故受之以巽巽者入也羈旅親寡
非巽順何所取容苟能巽順雖旅困之中何往而不能
入巽所以次旅也爲卦一陰在二陽之下巽順於陽所
以爲巽也

巽小亨利有攸往利見大人

卦之才以小亨利有攸往利見大人也巽與兌皆剛中正巽說義亦相類而兌則亨巽乃小亨者兌陽之爲也巽陰之爲也兌柔在外用柔也巽柔在內性柔也巽之亨所以小也

彖曰重巽以申命

重巽者上下皆巽也上順道以出命下奉命而順從上下皆順重巽之象也又重爲重複之義君子體重巽之義以申復其命令申重復也丁寧之謂也

剛巽乎中正而志行柔皆順乎剛是以小亨

以卦才言也陽剛居巽而得中正巽順於中正之道也
陽性上其志在以中正之道上行也又上下之柔皆巽
順於剛其才如是雖內柔可以小亨也

利有攸往利見大人

巽順之道无往不能入故利有攸往巽順雖善道必知
所從能巽順於陽剛中正之大人則爲利故利見大人
也如五二之陽剛中正大人也巽順不於大人未必不
爲過也

象曰隨風巽君子以申命行事

兩風相重隨風也隨相繼之義君子觀重巽相繼以順

之象而以申命令行政事隨與重上下皆順也上順下
而出之下順上而從之上下皆順重巽之義也命令政
事順理則合民心而民順從矣

初六進退利武人之貞

六以陰柔居卑巽而不中處最下而承剛過於卑巽者
也陰柔之人卑巽太過則志意恐畏而不安或進或退
不知所從其所利在武人之貞若能用法武人剛貞之志
則爲宜也勉爲剛貞則无過卑恐畏之失矣

象曰進退志疑也利武人之貞志治也

進退不知所安者其志疑懼也利用武人之剛貞以立

其志則其志治也治謂修立也

九二巽在牀下用史巫紛若吉无咎

二居巽時以陽處陰而在下過於巽者也牀人之所安
巽在牀下是過於巽過所安矣人之過於卑巽非恐怯
則諂說皆非正也二實剛中雖巽體而居柔為過於巽
非有邪心也恭巽之過雖非正禮可以遠耻辱絕怨咎
亦吉道也史巫者通誠意於神明者也紛若多也苟至
誠安於謙巽能使通其誠意者多則吉而无咎謂其誠
足以動人也人不察其誠意則以過巽為諂矣

象曰紛若之吉得中也

二以居柔在下爲過巽之象而能使通其誠意者衆多
紛然由得中也陽居中爲中實之象中既誠實則人自
當信之以誠意則非諂畏也所以吉而无咎

九三頻巽吝

三以陽處剛不得其中又在下體之上以剛亢之質而
居巽順之時非能巽者勉而爲之故屢失也居巽之時
處下而上臨之以巽又四以柔巽相親所乘者剛而上
復有重剛雖欲不巽得乎故頻失而頻巽是可吝也

象曰頻巽之吝志窮也

三之才質本非能巽而上臨之以巽承重剛而履剛勢

不得行其志故頻失而頻巽是其志窮困可吝之甚也

六四悔亡田獲三品

陰柔无援而承乘皆剛空有悔也而四以陰居陰得巽之正在上體之下居上而能下也居上之下巽於上也以巽臨下巽於下也善處如此故得悔亡所以得悔亡以如田之獲三品也田獲三品及於上下也田獵之獲分三品一爲乾豆一供賓客與充庖一頒徒御四能巽於上下之陽如田之獲三品謂遍及上下也四之地本有悔以處之至善故悔亡而復有功天下之事苟善處則悔或可以爲功也

象曰田獲三品有功也

巽於上下如田之獲三品而遍及上下成巽之功也

九五貞吉悔亡无不利无初有終先庚三日後庚三日吉

五居尊位爲巽之主命令之所出也處得中正盡巽之

善然巽者柔順之道所利在貞非五之不足在巽當戒

也既貞則吉而悔亡无所不利貞正中也處巽出令皆

以中正爲吉柔巽而不貞則有悔安能无所不利也命

令之出有所變更也无初始未善也有終更之使善也

若已善則何用命也何用更也先庚三日後庚三日吉

出命更改之道當如是也甲者事之端也庚者變更之

始也十干戊己爲中過中則變故謂之庚事之改更當
原始要終如先甲後甲之義如是則吉也解在蠱卦
象曰九五之吉位正中也

九五之吉以處正中也得正中之道則吉而其悔亡也
正中謂不過无不及正得其中也處柔巽與出命令唯
得中爲善失中則悔也

上九巽在牀下喪其資斧貞凶

牀人所安也在牀下過所安之義也九居巽之極過於
巽者也資所有也斧以斷也陽剛本有斷以過巽而失
其剛斷失其所有喪資斧也居上而過巽至於自失在

正道為凶也

象曰吳在牀下上竊也喪其資斧正乎凶也

吳在牀下過於吳也處卦之上吳至於竊極也居上而過極於吳至於自失得為正乎乃凶道也吳本善行故疑之曰得為正乎復斷之曰乃凶也

兌下
兌上

兌序卦吳者入也入而後說之故受之以兌兌者說也

物相入則相說相說則相入兌所以次吳也

兌亨利貞

兌說也說致亨之道也能說於物物莫不說而與之足

以致亨然為說之道利於貞正非道求說則為邪諂而有悔咎故戒利貞也

彖曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

兌之義說也一陰居二陽之上陰說於陽而為陽所說也陽剛居中中心誠實之象柔爻在外接物和柔之象故為說而能貞也利貞說之道宜正也卦有剛中之德能貞者也說而能貞是以上順天理下應人心說道之至正至善者也若夫違道以干百姓之譽者苟說之道

違道不順天干譽非應人苟取一時之說耳非君子之
正道君子之道其說於民如天地之施感於其心而說
服无斁故以之先民則民心說隨而忘其勞率之以犯
難則民心競服於義而不恤其死說道之大民莫不知
勸勸謂信之而勉力順從人君之道以人心說服爲本
故聖人贊其大

象曰麗澤兌君子以朋友講習

麗澤二澤相附麗也兩澤相麗交相浸潤互有滋益之
象故君子觀其象而以朋友講習朋友講習互相益也
先儒謂天下之可說莫若朋友講習朋友講習固可說

之大者然當明相益之象

初九和兌吉

初雖陽爻居說體而在最下无所係應是能卑下和順以爲說而无所偏私者也以和爲說而无所偏私說之正也陽剛則不卑居下則能與處說則能和无應則不偏處說如是所以吉也

象曰和兌之吉行未疑也

有求而和則涉於邪諂初隨時順處心无所係无所爲也以和而已是以吉也象又以其處說在下而非中正故云行未疑也其行未有可疑謂未見其有失也若得

中正則无是言也說以中正爲本文直陳其義象則推而盡之

九二孚兌吉悔亡

二承比陰柔陰柔小人也說之則當有悔二剛中之德孚信內充雖比小人自守不失君子和而不同說而不失剛中故吉而悔亡非二之剛中則有悔矣以自守而亡也

象曰孚兌之吉信志也

心之所存爲志二剛實居中孚信存於中也志存誠信豈至說小人而自失乎是以吉也

六三來兌凶

六三陰柔不中正之人說不以道者也來兌就之以求說也比於在下之陽枉已非道就以求說所以凶也之內爲來上下俱陽而獨之內者以同體而陰性下也失道下行也

象曰來兌之凶位不當也

自處不中正无與而妄求說所以凶也

九四商兌未寧介疾有喜

四上承中正之五而下比柔邪之三雖剛陽而處非正三陰柔陽所說也故不能決而商度未寧謂擬議所從

而未決未能有定也兩閒謂之介分限也地之界則加
田義乃同也故人有節守謂之介若介然守正而疾遠
邪惡則有喜也從五正也說三邪也四近君之位若剛
介守正疾遠邪惡將得君以行道福慶及物爲有喜也
若四者得失未有定繫所從耳

象曰九四之喜有慶也

所謂喜者若守正而君說之則得行其剛陽之道而福
慶及物也

九五孚于剝有厲

九五得尊位而處中正盡說道之善矣而睨人復設有

厲之戒蓋堯舜之盛未嘗无戒也戒所當戒而已雖聖
賢在上天下未嘗无小人然不敢肆其惡也聖人亦說
其能勉而革面也彼小人者未嘗不知聖賢之可說也
如四凶處堯朝隱惡而順命是也聖人非不知其終惡
也取其畏罪而強仁耳五若誠心信小人之假善爲實
善而不知其包藏則危道也小人者備之不至則害於
善聖人爲戒之意淡矣剝者消陽之名陰消陽者也蓋
指上六故孚于剝則危也以五在說之時而密比於上
六故爲之戒雖舜之聖且畏巧言令色安得不戒也說
之惑人易入而可懼也如此

象曰孚于剝位正當也


戒孚于剝者以五所處之位正當戒也密比陰柔有相說之道故戒在信之也

上六引兌

他卦至極則變兌爲說極則愈說上六成說之主居說之極說不知已者也故說既極矣又引而長之然而不至悔咎何也曰方言其說不知已未見其所說善惡也又下乘九五之中正元所施其邪說六三則承乘皆非正是以有凶

象曰上六引兌未光也

說既極矣又引而長之雖說之之心不已而事理已過
實无所說事之盛則有光輝既極而強引之長其无意
味甚矣豈有光也未非必之辭象中多用非必能有光
輝謂不能光也



渙序卦兌者說也說而後散之故受之以渙說則舒散
也人之氣憂則結聚說則舒散故說有散義渙所以繼
兌也爲卦巽上坎下風行於水上水遇風則渙散所以
爲渙也

渙亨王假有廟利涉大川利貞

渙離散也。人之離散由乎中。人心離則散矣。治乎散亦本於中。能收合人心則散可聚也。故卦之義皆主於中。利貞合渙散之道在乎正固也。

彖曰渙亨剛來而不窮柔得位乎外而上同。

渙之能亨者以卦才如是也。渙之成渙由九來居二六上居四也。剛陽之來則不窮極於下而處得其中。柔之往則得正位於外而上同於五之中。巽順於五乃上同也。四五君臣之位當渙而比其義相通同五乃從中也。當渙之時而守其中則不至於離散故能亨也。

王假有廟王乃在中也。

王假有廟之義在萃卦詳矣天下離散之時王者收合人心至於有廟乃是在其中也在中謂求得其中攝其心之謂也中者心之象剛來而不窮柔得位而上同卦才之義皆主於中也王者拯渙之道在得其中而已孟子曰得其民有道得其心斯得民矣享帝立廟民心所歸從也歸人心之道无大於此故云至于有廟拯渙之道極於此也

利涉大川乘木有功也

治渙之道當濟於險難而卦有乘木濟川之象上巽木也下坎水大川也利涉險而濟渙也木在水上乘木之

象乘木所以涉川也涉則有濟渙之功卦有是義有是象也

象曰風行水上渙先王以享于帝立廟

風行水上有渙散之象先王觀是象救天下之渙散至于享帝立廟也收合人心无如宗廟祭祀之報出於其心故享帝立廟人心之所歸也係人心合離散之道无大於此

初六用拯馬壯吉

六居卦之初渙之始也始渙而拯之又得馬壯所以吉也六爻獨初不云渙者離散之勢辨之空早方始而拯

之則不至於渙也為教渙矣馬人之所託也託於壯馬
故能拯渙馬謂二也二有剛中之才初陰柔順兩皆元
應元應則親比相求初之柔順而託於剛中之才以拯
其渙如得壯馬以致遠必有濟矣故言也渙拯於始為
力則易時之順也

象曰初六之吉順也

初之所以吉者以其能順從剛中之才也始渙而用拯
能順乎時也

九二渙奔其机悔亡

諸爻皆云渙謂渙之時也在渙離之時而處險中其有

悔可知若能奔就所安則得悔亡也机者俯憑以爲安者也俯就下也奔急往也二與初雖非正應而當渙離之時兩皆无與以陰陽親比相求則相賴者也故二目初爲机初謂二爲馬二急就於初以爲安則能亡其悔矣初雖坎體而不在險中也或疑初之柔微何足賴蓋渙之時合力爲勝先儒皆以五爲机非也方渙離之時二陽豈能同也若能同則成濟渙之功當大豈止悔亡而已机謂俯就也

象曰渙奔其机得願也

渙散之時以合爲安二居險中急就於初求安也賴之

如机而亡其悔乃得所願也

六三渙其躬无悔

三在渙時獨有應與无渙散之悔也然以陰柔之質不
中正之才上居无位之地豈能拯時之渙而及人也止
於其身可以无悔而已上加渙字在渙之時躬无渙之
悔也

象曰渙其躬志在外也

志應於上在外也與上相應故其身得免於渙而无悔

悔亡者本有而得亡无悔者本无也

六四渙其羣元吉渙有丘匪夷所思

渙四五二爻義相須故通言之象故曰上同也四與順
而正居大臣之位五剛中而正居君位君臣合力剛柔
相濟以拯天下之渙者也方渙散之時用剛則不能使
之懷附用柔則不足爲之依歸四以與順之正道輔剛
中正之君君臣同功所以能濟渙也天下渙散而能使
之羣聚可謂大善之吉也渙有丘匪夷所思贊美之辭
也丘聚之大也方渙散而能致其大聚其功甚大其事
甚難其用至妙夷平常也非平常之見所能思及也非
大賢智孰能如是

象曰渙其羣元吉光大也

稱元言者謂其功德光大也元言光大不在五而在四者二爻之義通言也於四言其施用於五言其成功君臣之分也

九五渙汗其大號渙王居无咎

五與四君臣合德以剛中正翼順之道治渙得其道矣唯在浹洽於人心則順從也當使號令洽於民心如人身之汗浹於四體則信服而從矣如是則可以濟天下之渙居王位爲稱而无咎大號大政令也謂新民之大命救渙之大政再云渙者上謂渙之時下謂處渙如是則无咎也在四已言元吉五唯言稱其位也渙之四五

通言者渙以離散為害拯之使合也非君臣同功合力
其能濟乎爻義相須時之宜也

象曰王居无咎正位也

王居謂正位人君之尊位也能如五之為則居尊位為

稱而无咎也

上九渙其血去逖出无咎

渙之諸爻皆无係應亦渙離之象唯上應於三三居險

陷之極上若下從於彼則不能出於渙也險有傷害畏

懼之象故云血惕然九以陽剛處渙之外有出渙之象

又居巽之極為能巽順於事理故云若能使其血去其

惕出則无咎也其者所有也渙之時以能合為功獨九
居渙之極有係而臨險故以能出渙遠害為善也

象曰渙其血遠害也

若如象文為渙其血乃與屯其膏同也義則不然蓋血
字下脫去字血去惕出謂能遠害則无咎也

兌下
坎上

節序卦渙者離也物不可以終離故受之以節物既離
散則當節止之節所以次渙也為卦澤上有水澤之容
有限澤上置水滿則不容為有節之象故為節

節亨苦節不可貞

事既有節則能致亨通故節有亨義節貴適中過則苦矣節至於苦豈能常也不可固守以爲常不可貞也

彖曰節亨剛柔分而剛得中

節之道自有亨義事有節則能亨也又卦之才剛柔分處剛得中而不過亦所以爲節所以能亨也

苦節不可貞其道窮也

節至於極而苦則不可堅固常守其道已窮極也

說以行險當位以節中正以通

以卦才言也內兌外坎說以行險也人於所說則不知已遇艱險則思止方說而止爲節之義當位以節五居

尊當位也在澤上有節也當位而以節主節者也處得中正節而能通也中正則通過則苦矣

天地節而四時成節以制度不傷財不害民

推言節之道天地有節故能成四時无節則失序也聖

人立制度以為節故能不傷財害民人欲之无窮也苟

非節以制度則侈肆至於傷財害民矣

象曰澤上有水節君子以制數度議德行

澤之容水有限過則盈溢是有節故為節也君子觀節

之象以制立數度凡物之大小輕重高下文質皆有數

度所以為節也數多寡度法制議德行者存諸中為德

發於外爲行人之德行當義則中節議謂商度求中節也

初九不出戶庭无咎

戶庭戶外之庭門庭門內之庭初以陽在下上復有應非能節者也又當節之初故戒之謹守至於不出戶庭則无咎也初能固守終或渝之不謹於初安能有卒故於節之初爲戒甚嚴也

象曰不出戶庭知通塞也

爻辭於節之初戒之謹守故云不出戶庭則无咎也象恐人之泥於言也故復明之云雖當謹守不出戶庭又

必知時之通塞也通則行塞則止義當出則出矣尾生
之信水至不去不知通塞也故君子貞而不諒繫辭所
解獨以言者在人所節唯言與行節於言則行可知言
當在先也

九二不出門庭凶

二雖剛中之質然處陰居說而承柔處陰不正也居說
失剛也承柔近邪也節之道當以剛中正二失其剛中
之德與九五剛中正異矣不出門庭不之於外也謂不
從於五也二五非陰陽正應故不相從若以剛中之道
相合則可以成節之功唯其失德失時是以凶也不合

於五乃不正之節也以剛中正爲節如懲忿窒慾損過抑有餘是也不正之節如嗇節於用懦節於行是也

象曰不出門庭凶失時極也

不能上從九五剛中正之道成節之功乃係於私暱之陰柔是失時之至極所以凶也失時失其所宜也

六三不節若則嗟若无咎

六三不中正乘剛而臨險固宜有咎然柔順而和說若能自節而順於義則可以无過不然則凶咎必至可傷嗟也故不節若則嗟若己所自致无所歸咎也

象曰不節之嗟又誰咎也

節則可以免過而不能自節以致可嗟將誰咎乎

六四安節亨

四順承九五剛中正之道是以中正為節也以陰居陰安於正也當位為有節之象下應於初四坎體水也水上溢為无節就下有節也如四之義非強節之安於節者也故能致亨節以安為善強守而不安則不能常豈能亨也

象曰安節之亨承上道也

四能安節之義非一象獨舉其重者上承九五剛中正之道以為節足以亨矣餘善亦不出於中正也

九五甘節吉往有尚

九五剛中正居尊位爲節之主所謂當位以節中正以通者也。在己則安行天下則說從節之甘美者也。其吉可知。以此而行其功大矣。故往則有可嘉尚也。

象曰甘節之吉居位中也

既居尊位又得中道所以吉而有功。節以中爲貴。得中則正矣。正不能盡中也。

上六苦節貞凶悔亡

上六居節之極。節之苦者也。居險之極亦爲苦。義固守則凶。悔則凶亡。悔損過從中之謂也。節之悔亡與他卦

之悔亡辭同而義異也

象曰苦節貞凶其道窮也

節既苦而貞固守之則凶蓋節之道至於窮極矣

兌下
巽上

中孚序卦節而信之故受之以中孚節者爲之制節使
不得過越也信而後能行上能信守之下則信從之節
而信之也中孚所以次節也爲卦澤上有風風行澤上
而感于水中爲中孚之象感謂感而動也內外皆實而
中虛爲中孚之象又二五皆陽中實亦爲孚義在二體
則中實在全體則中虛中虛信之本中實信之質

中孚豚魚吉利涉大川利貞

豚躁魚冥物之難感者也孚信能感於豚魚則无不至矣所以吉也忠信可以蹈水火况涉川乎守信之道在乎堅正故利於貞也

彖曰中孚柔在內而剛得中

二柔在內中虛爲誠之象二剛得上下體之中中實爲孚之象卦所以爲中孚也

說而巽孚乃化邦也

以二體言卦之用也上巽下說爲上至誠以順巽於下下有孚以說從其上如是其孚乃能化於邦國也若人

不說從或違拂事理豈能化天下乎

豚魚吉信及豚魚也

信能及於豚魚信道至矣所以吉也

利涉大川乘木舟虛也

以中孚涉險難其利如乘木濟川而以虛舟也舟虛則

无沉覆之患卦虛中爲虛舟之象

中孚以利貞乃應乎天也

中孚而貞則應乎天矣天之道孚貞而已

象曰澤上有風中孚君子以議獄緩死

澤上有風感于澤中水體虛故風能入之人心虛故物

能感之風之動乎澤猶物之感于中故爲中孚之象君子觀其象以議獄與緩死君子之於議獄盡其忠而已於決死極於惻而已故誠意常求於緩緩寬也於天下之事无所不盡其忠而議獄緩死最其大者也

初九虞吉有他不燕

九當中孚之初故戒在審其所信虞度也度其可信而後從也雖有至信若不得其所則有悔咎故虞度而後信則吉也既得所信則當誠一若有它則不得其燕安矣燕安裕也有它志不定也人志不定則感而不安初與四爲正應四與體而居正无不善也爻以謀始之義

大故不取相應之義若用應則非虞也

象曰初九虞吉志未變也

當信之始志未有所存而虞度所信則得其正是以吉也蓋其志未有變動志有所從則是變動虞之不得其正矣在初言求所信之道也

九二鳴鶴在陰其子和之我有好爵吾與爾靡之

二剛實於中孚之至者也孚至則能感通鶴鳴於幽隱之處不聞也而其子相應和中心之願相通也好爵我有而彼亦係慕說好爵之意同也有孚於中物无不應誠同故也至誠无遠近幽深之間故繫辭云善則千里

之外應之不善則千里違之言誠通也至誠感通之理知道者爲能識之

象曰其子和之中心願也

中心願謂誠意所願也故通而相應

六三得敵或鼓或罷或泣或歌

敵對敵也謂所交孚者正應上九是也三四皆以虛中爲成孚之主然所處則異四得位居正故亡匹以從上三不中失正故得敵以累志以柔說之質既有所係唯所信是從或鼓張或罷廢或悲泣或歌樂動息憂樂皆係乎所信也唯係所信故未知吉凶然非明達君子之

所爲也

象曰或鼓或罷位不當也

居不當位故无所主唯所信是從所處得正則所信有

方矣

六四月幾望馬匹亡无咎

四爲成孚之主居近君之位處得其正而上信之至當

孚之任者也如月之幾望盛之至也已望則敵矣臣而

敵君禍敗必至故以幾望爲至盛馬匹亡四與初爲正

應匹也古者駕車用四馬不能備純色則兩服兩駮各

一色又小大必相稱故兩馬爲匹謂對也馬者行物也

初上應四而四亦進從五皆上行故以馬爲象孚道在
一四既從五若復下係於初則不一而害於孚爲有咎
矣故馬匹亡則无咎也上從五而不係於初是亡其匹
也係初則不進不能成孚之功也

象曰馬匹亡絕類上也

絕其類而上從五也類謂應也

九五有孚攣如无咎

五居君位人君之道當以至誠感通天下使天下之心
信之固結如拘攣然則爲无咎也人君之孚不能使天
下固結如是則億兆之心安能保其不離乎

象曰有孚攣如位正當也

五居君位之尊由中正之道能使天下信之如拘攣之固乃稱其位人君之道當如是也

上九翰音登于天貞凶

翰音者音飛而實不從處信之終信終則衰忠篤內喪華美外颺故云翰音登天正亦滅矣陽性上進風體飛颺九居中孚之時處於窳上孚於上進而不知止者也其極至於羽翰之音登聞于天貞固於此而不知變凶可知矣夫子曰好信不好學其蔽也賊固守而不通之謂也

象曰翰音登于天何可長也

五

守乎至於窮極而不知變豈可長久也固守而不通如

是則凶也

六



震上 艮下

小過序卦有其信者必行之故受之以小過人之所信

則必行行則過也小過所以繼中孚也為卦山上有雷

雷震於高其聲過常故為小過又陰居尊位陽失位而

不中小者過其常也蓋為小者過又為小事過又為過

之小

小過亨利貞

六

過者過其常也若矯枉而過正過所以就正也事有時而當然有待過而後能亨者故小過自有亨義利貞者過之道利於貞也不失時宜之謂正

可小事不可大事飛鳥遺之音不宜上宜下大吉

過所以求就中也所過者小事也事之大者豈可過也於大過論之詳矣飛鳥遺之音謂過之不遠也不宜上空下謂空順也順則大吉過以就之蓋順理也過而順理其吉必大

彖曰小過小者過而亨也

陽大陰小陰得位剛失位而不中是小者過也故為小

事過過之小小者與小事有時而當過過之亦小故爲
小過事固有待過而後能亨者過之所以能亨也

過以利貞與時行也

過而利於貞謂與時行也時當過而過乃非過也時之
宜也乃所謂正也

柔得中是以小事吉也剛失位而不中是以不可大事也
有飛鳥之象焉

小過之道於小事有過則吉者而彖以卦才言吉義柔
得中二五居中也陰柔得位能致小事吉耳不能濟大
事也剛失位而不中是以不可大事大事非剛陽之才

不能濟三不中四失位是以不可大事小過之時自不可大事而卦才又不堪大事與時合也有飛鳥之象焉此一句不類彖體蓋解者之辭誤入彖中中剛外柔飛鳥之象卦有此象故就飛鳥爲義

飛鳥遺之音不亢上亢下大吉上逆而下順也

事有時而當過所以從亢然豈可甚過也如過恭過哀過儉大過則不可所以在小過也所過當如飛鳥之遺音鳥飛迅疾聲出而身已過然豈能相遠也事之當過者亦如是身不能甚遠於聲事不可遠過其常在得亢耳不亢上亢下更就鳥音取宜順之義過之道當如飛

鳥之遺音夫聲逆而上則難順而下則易故在高則大
山上有雷所以爲過也過之道順行則吉如飛鳥之遺
音宜順也所以過者爲順乎宜也能順乎宜所以大吉
象曰山上有雷小過君子以行過乎恭喪過乎哀用過乎
儉

雷震於山上其聲過常故爲小過天下之事有時當過
而不可過甚故爲小過君子觀小過之象事之宜過者
則勉之行過乎恭喪過乎哀用過乎儉是也當過而過
乃其宜也不當過而過則過矣

初六飛鳥以凶

初六陰柔在下小人之象又上應於四四復動體小人躁易而上有應助於所當過必至過甚况不當過而過乎其過如飛鳥之迅疾所以凶也躁疾如是所以過之速且遠救止莫及也

象曰飛鳥以凶不可如何也

其過之疾如飛鳥之迅豈容救止也凶其宜矣不可如何无所用其力也

六二過其祖遇其妣不及其君遇其臣无咎

陽之在上者父之象尊於父者祖之象四在三上故為祖二與五居相應之地同有柔中之德志不從於三四

故過四而遇五是過其祖也五陰而尊祖妣之象與二
同德相應在宅卦則陰陽相求過之時必過其常故異
也无所不過故二從五亦戒其過不及其君遇其臣謂
上進而不陵及於君適當臣道則无咎也遇當也過臣
之分則其咎可知

象曰不及其君臣不可過也

過之時事无不過其常故於上進則戒及其君臣不可
過臣之分也

九三弗過防之從或戕之凶

小過陰過陽失位之時三獨居正然在下无所能為而

爲陰所忌惡故有當過者在過防於小人若弗過防之則或從而戕害之矣如是則凶也三於陰過之時以陽居剛過於剛也旣戒之過防則過剛亦在所戒矣防小人之道正己爲先三不失正故无必凶之義能過防則免矣三居下之上居上爲下皆如是也

象曰從或戕之凶如何也

五

陰過之時必害於陽小人道盛必害君子當過爲之防

防之不至則爲其所戕矣故曰凶如何也言其甚也

九四无咎弗過遇之往厲必戒勿用永貞

京

四當小過之時以剛處柔剛不過也是以无咎旣弗過

則合其宜矣故云遇之謂得其道也若往則有危必當
戒懼也往去柔而以剛進也勿用永貞陽性堅剛故戒
以隨宜不可固守也方陰過之時陽剛失位則君子當
隨時順處不可固守其常也四居高位而无上下之交
雖比五應初方陰過之時彼豈肯從陽也故往則有厲
象曰弗過遇之位不當也往厲必戒終不可長也

位不當謂處柔九四當過之時不過剛而反居柔乃得
其宜故曰遇之遇其宜也以九居四位不當也居柔乃
遇其宜也當陰過之時陽退縮自保足矣終豈能長而
盛也故往則有危必當戒也長上聲作平聲則大失易

意以夬與剝觀之可見與夬之象文同而音異也

六五密雲不雨自我西郊公弋取彼在穴

五以陰柔居尊位雖欲過爲豈能成功如密雲而不能
成雨所以不能成雨自西郊故也陰不能成雨小畜卦
中已解公弋取彼在穴弋射取之也射止是射弋有取
義穴山中之空中虛乃空也在穴指六二也五與二本
非相應乃弋而取之五當位故云公謂公上也同類相
取雖得之兩陰豈能濟大事乎猶密雲之不能成雨也

象曰密雲不雨已上也

陽降陰升合則和而成雨陰已在上雲雖密豈能成雨


乎陰過不能成大之義也

上六不遇過之飛鳥離之凶是謂災眚

六陰而動體處過之極不與理遇動皆過之其違理過
常如飛鳥之迅速所以凶也離過之遠也是謂災眚是
當有災眚也災者天殃眚者人爲既過之極豈唯人眚
天災亦至其凶可知天理人事皆然也

象曰弗遇過之已亢也

居過之終弗遇於理而過之過已亢極其凶宜也



離下
坎上

既濟序卦有過物者必濟故受之以既濟能過於物必

可以濟故小過之後受之以既濟也爲卦水在火上水火相交則爲用矣各當其用故爲既濟天下萬事已濟之時也

既濟亨小利貞初吉終亂

既濟之時大者既已亨矣小者尚有亨也雖既濟之時不能无小未亨也小字在下語當然也若言小亨則爲亨之小也利貞處既濟之時利在貞固以守之也初吉方濟之時也終亂濟極則反也

彖曰既濟亨小者亨也利貞剛柔正而位當也

既濟之時大者固已亨矣唯有小者亨也時既濟矣固

宜貞固以守之卦才剛柔正當其位當位者其常也乃正固之義利於如是之貞也陰陽各得正位所以爲既濟也

初吉柔得中也

二以柔順文明而得中故能成既濟之功二居下體方濟之初也而又善處是以吉也

終止則亂其道窮也

天下之事不進則退无一定之理濟之終不進而止矣无常止也衰亂至矣蓋其道已窮極也九五之才非不善也時極道窮理當必變也聖人至此奈何曰唯聖人

爲能通其變於未窮不使至於極也堯舜是也故有終而元亂

象曰水在火上既濟君子以思患而豫防之

水火既交各得其用爲既濟時當既濟唯慮患害之生故思而豫防使不至於患也自古天下既濟而致禍亂者蓋不能思慮而豫防也

初九曳其輪濡其尾无咎

初以陽居下上應於四又火體其進之志銳也然時既濟矣進不已則及於悔咎故曳其輪濡其尾乃得无咎輪所以行倒曳之使不進也獸之涉水必揭其尾濡其

尾則不能濟方既濟之初能止其進乃得无咎不知已
則至於咎也

象曰曳其輪義无咎也

既濟之初而能止其進則不至於極其義自无咎也

六二婦喪其茀勿逐七日得

二以文明中正之德上應九五剛陽中正之君宜得行

其志也然五既得尊位時已既濟无復進而有為矣則

於在下賢才豈有求用之意故二不得遂其行也自古

既濟而能用入者鮮矣以唐太宗之用言尚怠於終况

其下者乎於斯時也則剛中反為中滿坎離乃為相戾

矣人能識時知變則可以言易矣二陰也故以婦言第
婦人出門以自蔽者也喪其第則不可行矣二不爲五
之求用則不得行如婦之喪第也然中正之道豈可廢
也時過則行矣逐者從物也從物則失其素守故戒勿
逐自守不失則七日當復得也卦有六位七則變矣七
日得謂時變也雖不爲上所用中正之道无終廢之理
不得行於今必行於異時也聖人之勸戒深矣

象曰七日得以中道也

中正之道雖不爲時所用然无終不行之理故喪其第
七日當復得謂自守其中異時必行也不失其中則正矣

九三高宗伐鬼方三年克之小人勿用

九三當既濟之時以剛居剛用剛之至也既濟而用剛如是乃高宗伐鬼方之事高宗必商之高宗天下之事既濟而遠伐暴亂也威武可及而以救民爲心乃王者之事也唯聖賢之君則可若騁威武忿不服貪土地則殘民肆欲也故戒不可用小人小人爲之則以貪忿私意也非貪忿則莫肯爲也三年克之見其勞憊之甚聖人因九三當既濟而用剛發此義以示人爲法爲戒豈淺見所能及也

象曰三年克之憊也

言憊以見其事之至難在高宗爲之則可臣无高宗之心則貪忿以殃民也臣

六四繻有衣袽終日戒臣

四在濟卦而水體故取舟爲義四近君之位當其任者也當既濟之時以防患慮變爲急繻當作濡謂滲漏也舟有罅漏則塞以衣袽有衣袽以備濡漏又終日戒懼不怠慮患當如是也不言言方免於患也既濟之時免患則足矣豈復有加也臣

象曰終日戒有所疑也臣

終日戒懼常疑患之將至也處既濟之時當畏慎如是

也

九五東鄰殺牛不如西鄰之禴祭實受其福

五中實孚也二虛中誠也故皆取祭祀爲義東鄰陽也

謂五西鄰陰也謂二殺牛盛祭也禴薄祭也盛不如薄

者時不同也二五皆有孚誠中正之德二在濟下尚有

進也故受福五處濟極无所進矣以至誠中正守之苟

未至於反耳理无極而終不反者也已至於極雖善處

无如之何矣故爻象唯言其時也

象曰東鄰殺牛不如西鄰之時也實受其福吉大來也

五之才德非不善不如二之時也二在下有進之時故

中正而孚則其言大來所謂受福也吉大來者在既濟之時爲大來也亨小初吉是也

上六濡其首厲

既濟之極固不安而危也又陰柔處之而在險體之上坎爲水濟亦取水義故言其窮至於濡首危可知也既濟之終而小人處之其敗壞可立而待也

象曰濡其首厲何可久也

既濟之窮危至於濡首其能長久乎



離上坎下

未濟序卦物不可窮也故受之以未濟終焉既濟矣物

之窮也物窮而不變則无不已之理易者變易而不窮也故既濟之後受之以未濟而終焉未濟則未窮也未窮則有生生之義爲卦離上坎下火在水上不相爲用故爲未濟

未濟亨小狐汔濟濡其尾无攸利

未濟之時有亨之理而卦才復有致亨之道唯在慎處狐能度水濡尾則不能濟其老者多疑畏故履冰而聽懼其陷也小者則未能畏慎故勇於濟汔當爲汔壯勇之狀書曰汔汔勇夫小狐果於濟則濡其尾而不能濟也未濟之時求濟之道當至慎則能亨若如小狐之果

則不能濟也果既不能濟面无所利矣辰

彖曰未濟亨柔得中也五

以卦才言也所以能亨者以柔得中也五以柔居尊位居剛而應剛得柔之中也剛柔得中處未濟之時可以亨也辰

小狐汔濟未出中也五

據二而言也二以剛陽居險中將濟者也又上應於五險非可安之地五有當從之理故果於濟如小狐也既果於濟故有濡尾之患未能出於險中也辰

濡其尾无攸利不續終也辰

其進銳者其退速始雖勇於濟不能繼續而終之无所往而利也

雖不當位剛柔應也

雖陰陽不當位然剛柔皆相應當未濟而有與若能重慎則有可濟之理二以汔濟故濡尾也卦之諸爻皆不得位故爲未濟雜卦云未濟男之窮也謂三陽皆失位也斯義也聞之成都隱者

象曰火在水上未濟君子以慎辨物居方

水火不交不相濟爲用故爲未濟火在水上非其處也君子觀其處不當之象以慎處於事物辨其所當各居

其方謂止於其所也

初六濡其尾吝

六以陰柔在下處險而應四處險則不安其居有應則志行於上然已既陰柔而四非中正之才不能援之以濟也獸之濟水必揭其尾尾濡則不能濟濡其尾言不能濟也不度其才力而進終不能濟可羞吝也

象曰濡其尾亦不知極也

不度其才力而進至於濡尾是不知之極也

九二曳其輪貞吉

在他卦九居二爲居柔得中无過剛之義也於未濟聖

人溪取卦象以爲戒明事上恭順之道未濟者君道艱
難之時也五以柔處君位而二乃剛陽之才而居相應
之地當用者也剛有陵柔之義水有勝火之象方艱難
之時所賴者才臣耳九當盡恭順之道故戒曳其輪則
得正而吉也倒曳其輪殺其勢緩其進戒用剛之過也
剛過則好犯上而順不足唐之郭子儀李晟當艱危未
濟之時能極其恭順所以爲得正而能保其終吉也於
六五則言其貞吉光輝盡君道之善於九二則戒其恭
順盡臣道之正盡上下之道也

象曰九二貞吉中以行正也

九二得正而吉者以曳輪而得中道乃正也

六三未濟征凶利涉大川

未濟征凶謂居險无出險之用而行則凶也必出險而後可征三以陰柔不中正之才而居險不足以濟未有可濟之道出險之用而征所以凶也然未濟有可濟之道險終有出險之理上有剛陽之應若能涉險而往從之則濟矣故利涉大川也然三之陰柔豈能出險而往非時不可才不能也

象曰未濟征凶位不當也

三征則凶者以位不當也謂陰柔不中正无濟險之才

也若能涉險以從應則利矣

果

九四貞吉悔亡震用伐鬼方三年有賞于大國

文夕

九四陽剛居大臣之位上有虛中明順之主又已出於

險未濟已過中矣有可濟之道也濟天下之艱難非剛

健之才不能也九雖陽而居四故戒以貞固則吉而悔

亡不貞則不能濟有悔者也震動之極也古之人用力

之甚者伐鬼方也故以為義力勤而遠伐至于三年然

後成功而行大國之賞必如是乃能濟也濟天下之道

當貞固如是四居柔故設此戒

宗

象曰貞吉悔亡志行也

今

如四之才與時合而加以貞固則能行其志吉而悔亡
鬼方之伐貞之至也

六五貞吉无悔君子之光有孚吉

五文明之主居剛而應剛其處得中虛其心而陽爲之
輔雖以柔居尊處之至正至善无不足也既得貞正故
吉而无悔貞其固有非戒也以此而濟无不濟也五文
明之主故稱其光君子德輝之盛而功實稱之有孚也
上云吉以貞也柔而能貞德之吉也下云吉以功也既
光而有孚時可濟也

象曰君子之光其暉吉也

光盛則有暉暉光之散也君子積充而光盛至於有暉
善之至也故重云吉

上九有孚于飲酒无咎濡其首有孚失是

九以剛在上剛之極也居明之上明之極也剛極而能
明則不爲躁而爲決明能燭理剛能斷義居未濟之極
非得濟之位无可濟之理則當樂天順命而已若否終
則有傾時之變也未濟則无極而自濟之理故止爲未
濟之極至誠安於義命而自樂則可无咎飲酒自樂也
不樂其處則忿躁隕穫入于凶咎矣若從樂而耽肆過
禮至濡其首亦非能安其處也有孚自信于中也失是

失其宜也如是則於有孚爲失也人之處患難知其元
可奈何而放意不反者豈安於義命者哉

象曰飲酒濡首亦不知節也

飲酒至於濡首不知節之甚也所以至如是不能安義
命也能安則不失其常矣

上下篇義

乾坤天地之道陰陽之本故爲上篇之首坎離陰陽之成質故爲上篇之終咸恒夫婦之道生育之本故爲下篇之首未濟坎離之合既濟坎離之交合而交則生物陰陽之成功也故爲下篇之終二篇之卦既分而後推其義以爲之次序卦是也卦之分則以陰陽陽盛者居上陰盛者居下所謂盛者或以卦或以爻卦與爻取義有不同如剝以卦言則陰長陽剝也以爻言則陽極於上又一陽爲衆陰主也如大壯以卦言則陽長而壯以爻言則陰盛於上用各於其所不相害也乾父也莫亢

焉坤母也非乾无與爲敵也故卦有乾者居上篇有坤者居下篇而復陽生臨陽長觀陽盛剝陽極則雖有坤而居上姤陰生遯陰長大壯陰盛夬陰極則雖有乾而居下其餘有乾者皆在上篇泰否需訟小畜履同人大有无妄大畜也有坤而在上篇皆一陽之卦也卦五陰而一陽則一陽爲之主故一陽之卦皆在上篇師謙豫比復剝也其餘有坤者皆在下篇晉明夷萃升也卦一陰五陽者皆有乾也又陽衆而盛也雖衆陽說於一陰說之而已非如一陽爲衆陰主也王弼云一陰爲之主非也故一陰之卦皆在上篇小畜履同人大有也卦二

陽者有坤則居下篇小過雖无坤陰過之卦也亦在下
篇其餘二陽之卦皆一陽生於下而達於上又二體皆
陽陽之盛也皆在上篇屯蒙頤習坎也陽生於下謂震
坎在下震生於下也坎始於中也達於上謂一陽至上
或得正位也生於下而上達陽暢之盛也陽生於下而
不達於上又陰衆而陽寡復失正位陽之弱也震也解
也上有陽而下无陽无本也艮也蹇也震坎艮以卦言
則陽也以爻言則皆始變微也而震之上艮之下无陽
坎則陽陷皆非盛也唯習坎則陽上達矣故爲盛卦二
陰者有乾則陽盛可知需訟大畜无妄也无乾而爲盛

者大過也離也大過陽盛於中上下之陰弱矣陽居上
下則綱紀於陰頤是也陰居上下不能主制於陽而反
弱也必上下各二陰中唯兩陽然後爲勝小過是也大
過小過之名可見也離則二體上下皆陽陰實麗焉陽
之盛也其餘二陰之卦二體俱陰陰盛也皆在下篇家
人睽革鼎巽兌中孚也卦三陰三陽者敵也則以義爲
勝陰陽尊卑之義男女長少之序天地之大經也陽少
於陰而居上則爲勝蠱少陽居長陰上賁少男在中女
上皆陽盛也坎雖陽卦而陽爲陰所陷溺也又與陰卦
重陰盛也故陰陽敵而有坎者皆在下篇困井渙節旣

濟未濟也或曰一體有坎尚爲陽陷二體皆坎反爲陽
盛何也曰一體有坎陽爲陰所陷又重於陰也二體皆
坎陽生於下而達於上又二體皆陽可謂盛矣男在女
上乃理之常未爲盛也若失正位而陰反居尊則弱也
故恆損歸妹豐皆在下篇女在男上陰之勝也凡女居
上者皆在下篇咸益漸旅困渙未濟也唯隨與噬嗑則
男下女非女勝男也故隨之彖曰剛來而下柔噬嗑彖
曰柔得中而上行長陽非少陰可敵以長男下中少女
故爲下之若長少敵勢力侔則陰在上爲陵陽在下爲
弱咸益之類是也咸亦有下女之象非以長下少也乃

二少相感以相與所以致陵也故有利貞之戒困雖女
少於男乃陽陷而爲陰揜无相下之義也小過二陽居
四陰之中則爲陰盛中孚二陰居四陽之中而不爲陽
盛何也曰陽體實中孚中虛也然則頤中四陰不爲虛
乎曰頤二體皆陽卦而本末皆陽盛之至也中孚二體
皆陰卦上下各二陽不成本末之象以其中虛故爲中
孚陰盛可知矣

書伊川先生易傳板本後

易之爲書夏歷三聖而制作不同若庖羲氏之象文王之辭皆依卜筮以爲教而其法則異至於孔子之贊則又一以義理爲教而不專於卜筮也是豈其故相反哉俗之淳漓旣異故其所以爲教爲法者不得不異而道則未嘗不同也然自秦漢以來考象辭者泥於術數而不得其弘通簡易之法談義理者淪於空寂而不適乎仁義中正之歸求其因時立教以承三聖不同於法而同於道者則惟伊川先生程氏之書而已後之君子誠能日取其一卦若一爻者熟復而深玩之如己有疑將

決於筮而得之者虛心端意推之於事而反之於身以
求其所以處此之實則於吉凶消長之理進退存亡之
道將無所求而不得邇之事父遠之事君亦無所處而
不當矣華山皇甫斌嘗讀是書而深好之蓋嘗大書溪
刻摹以予人惟恐傳者之不廣而讀者之不多也顧猶
來請其所以讀之之說熹不得讓輒書此以遺之淳熙
六年秋八月丙戌朔新安朱熹謹書

考異

卷二

二千載

千下有餘字

四妙用

用字一元

六卦下之

之字一元

萬物物

萬物下一

七而進

進下一

咎也

也字一元

聖人之

人字一元

八其義

其文一

貞固所

貞一作正

九至而後

後字一元

十二之化也

化一作而

當

天德

德下一

十三故見

見日一

十五坤則

則以一

順而貞

而一作爲

十六承天

承一作順

品物

物類一

十七冰小

冰下一

十八柔順

順一

恭悔咎

咎一作吝

其事

事下一

十九變不

變一作大

二十不唱

不一作待

二十一

於冰於大

於字一元

而內而外

而字一元

二十二則惟

一作故惟卦

曰

日字一元

二十三貞固非貞

貞字一元

貞者

貞一作正

由夫

在夫

夫字一元

上文言

文下一

有既字

義此

義下一

有二十

四於屯屯一無字二十五雖正作正如辭辭下有助字苟貞貞作正三

十六以陰陰一無字困窮窮一作困陽剛上兩陽剛一作剛陽剛剛一作陽之地

地一作位二十九中則有得字二以以字三十蒙也蒙一作象革其

其一無字三十四貞正上貞正三十五以和和一三十六蓋

陰柔陰柔一作柔弱三十九聽者有或字四十二陰柔陰一作處雖從

上之一一無字應初有於字四十四畏服嚴畏四十五興

師一作動四十六位則有能字以懷以下一四十七能勝勝

進一作作蠻夷蠻一作戎四十八長者有長下四十九親輔也一作輔

輔也比五十輔於輔一作附筮決筮一作占五十二悔吝吝一作咎五十三

必將二字悔吝吝一作咎五十四煦煦一作响顯其比其比五十三

五十六而不不能下一六十有孚下有孚下一攣而而字攣而一畜之

道成矣一作畜道六十一陰將盛將一作既盛六十二至

理作至正下上作上一六十四而務剛作勝陽所有不字

卷二三往之之一二君子之道之一時既作將三果足一足

可作四含容作弘僻陋作側既不能三字則是是下一五

之常理也一作理而從者者一六制為為一七貞吝者元一

者九處下之作下十如是則則一十一居尊位作尊將反

反一休天有息字十二同力作力十三能與作能不同同

合十五卦惟有二字十六義之弗弗一作不則笑有正字十八

文明大中中二字五之性有體字十九何以有有一二十

一當用用字二十二聲也下一有威如之吉二十五得貞

貞下有正字二十六勉焉勉下一有強字得其其一作正二十七之故故一作教

二十九潛閉一作萬民萬民一作兆三十一陰柔處柔字致凶致一

作遂至至一作致三十三由九由一慮則則下一患乎其其一

二迫近迫一作逼陰柔陰一三十四亦以以一三十六是則可

有以下有字三十七應在在一作居夫也係也一三十八必得者无

必字三十九及於於一專強強一作權四十得民民下一拘係維

持一四十三克幹而而一於義義下一四十五陰

柔故故一作固苟能任能下一係應應一四十六尚亦亦一求

知知一密近近一作通四十八有教有字其事事一作時四十九盛

感感一上而而一无五十二下之表之一无五十二當莊嚴一

作常嚴瞻仰而瞻仰一作五十三是以以一作其甚明甚一作盡五十

四而僅僅下一有能字悔咎咎一作吝五十五遇也也一无不能不能一作未

卷三二得合也也一无觀噬嗑噬嗑一作齧合且治治一作洽二何以一作

不可云利用獄用一无利三初故故下一有後字當位不當位者一作

當者不四吝而而一无六三以以一无五聯骨聯一无也九四一无

九戒於於一作以噬嗑之時噬一作堅懷危懼哉危懼一作忘六滅傷一无

傷七交相一作相分言言一无有此則則一作必八天下天下一无

下象而而一无九物之之一无在其恃其其一无十所貴貴一作賁

係於於一无十一賁飾賁一作修非正正下一有則字位為為一无十二九

受受一帛而而一十三剥於陽之於一喪於於一至於建

於於一消於陽作於一十四故上作上蔑於於一消亡於正道

也一作消亡十五侵剥於作於一十六取獲寵寵一作親

消剥於於一亦變一作已十七陽剥剥下一坤陽

有復復下一為復復下一之消作消十八復來來一子則子下

之道二十九迭息息下一二十微安靜靜一作順學問問一二十

三則合合一誠者者一道也利也一故有有二十四發

生生一差妄妄一二十五剛實實一所欲欲一有畬有

合乎合一二十六必以二於求求一二十七正乎正

貞為過為一二十八也故作也聚矣矣一二十九獨於

於字一元三十被止一作止之三十一脫去去下一有其字勢速勢一作志當自

自字一元其貞貞一作正三十二與合與下一三字惡人人一元三十三視

億視一元農桑農一作耕三十五領之象象下一有也字中含含一元三十

六取養養一元道道下一有則字三十八處不處下一有又字必有有一其

三十九使在在一元而施而下一有澤字四十艱險之險一作難天下大

有之下字下一四十一由道由下一有則字常見常一作嘗橈取其本末弱中

強而本末弱是以橈也末一作橈取其中強而本末弱是以橈也四十二不

失得一作過人也人一元四十三能慎慎下一有思字四十四能親能一作

肯作作四十五起取起下一有兼字壯矣一作壯夫四十七坎陷陷一作險

不通通一作亨四十八中矣矣一作也不驟驟一作讓驅之之一元陰柔一元

柔字四十九坎陷作陷之道二字此五十矣夫作矣牖開下牖

有字之謂謂一五十一長幼幼一作少因其明其下一五十二

平而而字无濟作无五十三為所為字德人德字五二一作

五十四則失則字五十七不懼懼一作慮

三擇合作合四辭本辭一作體爻辭爻下一前二前一自

主志主一作立五其致一作其致六復為感感下一聖

人人作賢七存心作心八婦終婦下一不有變不下一初下

初一作四九應應下一天下作地十精氣精下一悔咎咎一作吝

十一始而始一作常知度知字恒久於中則久久字十二其德則

其德一作則况人况一作豈十三避之一作避十四於遯藏遯一作退未

便

便一作使

十五

山下

作下

十六

甚堅

甚一作其

十七

言之

遯

遯一作字

十八

消息

消一作長

二十

况陽

剛

剛下一

二十二

得尊

得一作居

用

壯故

用一无字

得柔

得下一

二十三

意也

意一作義

二十五

柔和

和一

順

二十六

悔咎

咎一作客

二十七

當復

當一作得

用

有一其字

二十八

夫進

之一作而

明君

明下一

二十九

遠禍

患

患一作害

能藏

能一无字

含容

容一作弘

三十一

拯用

用一作其

三十三

四由

由下一

予出

作一

出

既信

之於心

奪一作既

位言

位一作義

可以

免

以一无字

三十四

明

夷之主

明夷一作夷

家而

而一无字

三十五

家人

之道

必

人一无字

三十

七

以柔

順處

他本无此五字

又若

一作人苦

急束

束一作速

三十八

正道

能保

有一无字

之道

能保

有一无字

吳順

能保

有一无字

三十九

欲使一作衆四十釋睽義一元睽字四十二病其不作未四

十四无初有終者初下一有而字四十五雖處危一元君則君下

子有慶慶下一字四十七與他他一作屯四十八乎守貞正一元

正一元未足足一作盡悔咎咎一作吝四十九時非聖賢賢下一有以

如一作五十上已已一作六濟君於蹇蹇一作難雖艱艱一作蹇然終一元

然字五十二功多功助一作五十三冒極險極一作險一作陰得出一能耳

能有能一作利五十六空患空下一有也字害正正一作政五十七使其一元

其字不稱稱一作勝六十二或不及及下一有或不常常一作當六十

二采則則一作而六十三不足足一作及六十四而已二一元此已而

而以下有以字六十六變者一元若用用下一六十八爲道爲一元

為一作於益日進一作日進所則一元六十九居至一元能順於

順一作異七十能守也也一作之為益者一元七十一以義一元七

十二二之一元苟至誠益於益於一作於君至誠益於益於一作於

七十三所當所二作謂

卷五二益益一元六卦辭卦本九常在乎一元十二大

也大有咎字十二遇之道有之下含蘊一元十三廟極一元

十四豐厚厚一作亨皆然皆一作當之厚一元是動是下一義聚也

順以以一作而十六謂眾眾下一微辭辭一作其關得關一作開相待

待一作持有其其一作有上也上下一十七欲萃一元十八也夫也

矣能大吉然後為為一作能為无咎也非為一作能矣得矣一作也二十

升進一作升二十一己之作有二十二之賢賢一作道以久以一无字

又有可一无又字二十三援應應一作者二十四升患升一作興如

上作如一二十五安命一作安義艱險險一作艱二十六失剛失一作

夫作一二十七既誠誠一作成二十八藜刺刺一无字矣宮矣一作也可唯可一作下

則一有既辱辱一作耳二十九而見而一无字三十於初於一无字誠敬則

誠敬一作至誠合者者一无字後有有一字三十一能亨能一无字三十二困

乎乎一作于不有窮已有窮也三十三上之作之一不可食以一无

可字三十四上出則養人而濟物作上出而三十六亦能

修治修一作若夫體夫一作人三十七益猶猶下一有字三十八世

故故一作事四十之當作之一就而就一作復四十一係應係下一有字信

矣

作矣一也

四十二道變

作道一德

四十三暴也

也一

雖不雖一作唯以

順

以一作而

四十四亦鼎

亦一

其象

作其一

設卦

卦一

法卦之象

也

之一作法象

四十七

陽剛

剛一作陽

能就

有能下一

為異

為一作謂

四

十八

虧悔終吉

吉一

謂不足之悔

足一

再有不

陽剛

剛一作陽

四

陽剛

剛一作陽

陽剛

剛

陽一作

叶力

作叶一

四十九

於耳者

作耳一

五十一

旋顧

周慮一作

周慮

周慮一作

顧慮

言一作

而降

而一作

雖雷震

作震一

亨之

之一

笑言

言一作

笑言

言一作

啞言

言一作

自若也

言一作

五十二

因承

有因下一

吉故

作故一

吉故

作故一

吉故

五十四

不正而

有不下

五十五

雖有危

有危下一

甚難

作難一

甚難

作難一

甚難

作難一

五十六

有畏隣

作見一

衆動

作衆一

極則

之一

五十八

為良

為一作

為良

為一作

與義

有義下一

重復

作復一

失止

作止一

六十

之勢

作其

其中

作其

其中

也中下一字輔義言之一作輔言艮於輔艮一作其則悔則一作故六十

一也上九上一字山其高高下一字六十二必以漸以一有其序

序一作漸先也也下一有位之義義下一有是往六十三不有

困有至六十四所謂漸漸漸一無之知有之六十五飲

食一無地則則一無非理理一作禮六十六進于進一作漸高矣一無

六十八女從男女一無六十九禮此此一無以凶也以下一無七

十為賢貞賢一作堅有賢貞賢一作堅七十一賢正正一作貞二雖雖一作

而言利貞者五字如是之貞貞一無尚剛尚一作上七十二

道以道下一字七十三俎歆歆一作醯絕矣一無

卷六 一能明能一無可憂慮憂一作患二威於於一作其三以行行一作亨

裏初初一元之初九九一元蓋非非下一求協力力一懷先先一

懷先先一四地五五作一足既足下一應之才才一元時乃遇乃一作而明

喪喪一作明意上意一元雖柔柔一作五數者者下一六而得在在一

而德位所所一作不能致豐豐下一七如上上一八去為為一

而得處處一作十此則則一作十一所上上一十二之焚焚一

上十三說義說一作相重重一作十五案則則一元故悔悔一元十

六夏改改一作不過无不及過一作於吳者者一元十七悔咎

咎一宜正正一作十八民心悅服心一元人君君一作偏私說說一元

偏順處處一作十九陰性性一作二十二本於一作能收能一

利貞貞一元二十四為勝為一作當大大下一二十五而能使能一元

令洽治一二十八門內內一作外初故故一之信信一二十九

抑有餘一作益係於係一作繫免過免一作元足以亨矣一作是三

十皆陽陽下一三十一孚涉孚一作虛虛則虛下一之患此一

字三十二始志志一案於於一三十三累志志一至當至一

位作三十四謂應謂一作相三十五守而而一三十六以能亨能一

求作中剛剛一作實可遠可一作能三十七是所是下一三十八戒及

其及一有當有一作所四十尚有有下一處既濟之時時一

二固已固一小者亨者下一四十一貞也貞下一何曰何一

字曰思慮慮一作患悔咎咎一作客四十二之勸有下一四十三殃民

作殃一四十六柔而而一四十七犯上上一四十八涉險險一

險字悔者者一无五十為敵為一无五十一至至一作在一而上達上
陽作陽盛於有過字五十二相感感一作說

イニ



ス
ー
ユ



